

王強 主編

近代世界史文獻叢編

48



廣陵書社

近代世界史文獻叢編
48



廣陵書社

貴州师范学院内部使用

第四十八冊

日本源流考（四）王先謙撰 清光緒二十八年 長沙王氏家刻本 ·····

日本源流考卷十七

長沙王先謙益吾撰

後陽成天皇

和漢年契後陽成天皇諱周仁日本國志父誠仁親王母新上東門院藤原氏

丁亥五天正十五年和漢年契春三月秀吉伐島津義久降之秋七

月秀吉定九州築聚樂城

日本外史十五豐臣氏上十五年二月兵會大坂者十五萬人秀吉下令禁鹵

掠止關諍又置吏於沿道驛舍使軍行莫塞滯乃遣秀吉長將前軍

先發三月朔秀吉自將諸軍發京師水陸俱下義久既逐大友義

統居豐後府內發兵四出聞豐臣氏前軍至豐府乃使家久守耳

川引兵而退秀吉長至耳川諸將先濟家久夜襲南條宮部氏營南

條敗宮部擊卻之明日秀吉乃濟敵遂退保高城既而又退二十

五日秀吉至赤間關留增田長盛守關戶城九毛某城戶某守門

司城徵國人質子濟海入豐前二十八日陣於馬岳分兵並進時

秋月種實招島津氏兵據岩石城城跨豐前築前之閒以險固聞

秀吉遣義子秀勝攻之令蒲生氏鄉前田利長輔之白以麾下登

杉原山四月氏鄉攻其南利長攻其北城兵能拒氏鄉先入其郭

杉原山四月氏鄉攻其南利長攻其北城兵能拒氏鄉先入其郭

秀吉自山上望見其徽號自脫其袍使人齎馳賜之曰板此以登
內城氏鄉感激身先士卒會風大起縱火焚城城卽陷秀吉乃進
至小熊種實遁走使子種長以城降秀吉悉收其地進軍高良山
龍造寺政家以肥前兵來會焉肥後諸城皆解走薩摩驍將新納
忠元伊集院忠棟守合子城走保八代與島津征久合兵堅守秀
吉以兵艦攻之忠元等夜遁秀吉入其城謂諸將曰吾征誅僻遠
之國苟期於塵盡勢有所不可且見吾狹也宜從優容速成大功
乃榜於衢路曰名門故家脅從於敵者及豪俠大盜聚徒結黨者
一切皆宥聽其自新令初下軍門如市秀吉進人薩摩降島津忠
良五月進至千代河河接海港前所發漕船盡湊焉乃命水軍將
加藤嘉明脇坂安治九鬼嘉隆造浮梁濟軍建舁於太平寺環布
軍營填池澤夷丘阜方二里餘中開門巷縱橫四達遠近望風而
潰乃遣水軍三將攻柱忠助於平佐脇坂安治先登忠助降於是
秀長以日向故主伊東祐兵爲先鋒以五萬人自日向入前田利
長與淺野彈正以龍造寺政家爲先鋒以五萬人自大隅入家久
以佐土原降義弘退陣求麻諸軍合而南下臨於鹿島島津氏將
佐交勸義久乞降乃遣伊集院忠棟因秀長謝罪秀吉曰吾初欲
誅不庭之臣使無遺類吾聞島津氏源右大將之遠裔也四百歲
名族一日滅之吾亦不忍也其省之義久大喜削髮被僧衣從近
臣五六人詣太平寺降秀吉延見以溫言慰辭之命以義弘爲嗣
琉球國馳使修貢獻六月凱旋至太宰府盡收九州賈子大論功
罪令島津氏因故土領薩摩大隅日向削其侵地賜肥後於佐
成政筑前於小早川隆景豐前於黑田孝高森勝信筑後於毛利
秀包立花宗茂而大友義統高橋統增伊東祐兵龍造寺政家皆

復舊領差有增損使政家族鍋島直茂攝國事及政家夭乃立直
茂耳川之事尾藤知定教秀長不即救因奪其讚岐後以賜生駒
親正丹羽長重犯軍法因奪其若狹賜之淺野氏削阿蘇大宮司
邑律彥山僧徒大村氏私舍西蠻妖賊奪其長崎邑謀賊二十餘
人於邑中使鍋島氏監外國互市焉禁天主教遂大修西海政令
七月復命於京師天皇遣使郊勞之八月德川公自來賀戰捷是
歲西海諸侯皆就國秀吉誠成政善待土豪勿擾國民成政違教
土民皆叛踰年粗定秀吉讓之賜死以肥後分賜加藤清正小西
行長清正爲主計頭行長爲攝津守行長即彌九郎也秀吉謂二
人曰他日將有以用汝也。日本外史二十德川氏三十五年二
月造駿府二城秀吉既與我和不慮東面於是大舉西伐中納言
遠本多廣孝勞師攻岩石城廣孝力戰受賞七月秀吉定九州
而還中納言赴大阪賀之八月轉大納言進從二位乃還十二月
兼左近衛大將左馬寮御監。日本外史十二毛利氏十五年三
月豐臣秀長至合我兵入日向抵耳川進圍高城島津家久夜襲
其營秀長畏其兵慄悍不敢出元長欲逆戰弗許秀吉至龍造寺
氏以下皆降五月島津氏請和秀吉徙隆景於筑前治名島賜秀
包筑後三郡治來日元長道病六月遂卒元長倔強頑父爲秀吉
所畏惡常有退居之志見於歌詠遺命立廣家黑田孝高素悅廣
家色美與之親善爲言秀吉立之襲食隱岐廣家初名經信於是
改今名是歲冬肥後豐前盜起隆景廣家受命討而平之筑前土
民稔聞隆景賢聲人人相慶隆景務闕其禁網漸修治教傲下野
足利學校建贊舍釋奠先聖時
亂離日久人始聞絃誦之聲

戊子天正十六年和漢年契春正月佐佐成政反討平之日本外史十四

織田氏下十五年秀吉以長重犯軍法奪若狹嶺爲松任城主給

五萬石家臣成田某憤懣謂其同僚曰吾欲舉事誰與我者眾莫

敢忖成田罵曰皆非人也秀吉聞之使人殺成田是歲秀吉子成

政以肥後肥後盜起秀吉怒明年閏五月成政自起大阪謝之秀

吉使人迎之行幸於秀吉第北野大茶會日本外史十五豐臣氏

尼崎賜死幸時承大亂之後典籍殘亡乃令前田玄以與公卿雜議

奏請臨幸時承大亂之後典籍殘亡乃令前田玄以與公卿雜議

用足利義滿義教故事四月十四日天皇幸聚樂第關白秀吉率

文武百官扈從扈從者蓋新典也遠近綏觀父老或有流涕者曰

吾儕聞有行幸之儀久矣今得親觀之即日行享禮使伶人奏五

常太平諸樂明日秀吉早盛服出侍於御坐之右盡召天下牧伯

使列於前內大臣信雄大納言家康大納言秀長中納言秀次左

近衛中將秀家右近衛少將利家侍從元親侍從義統以下以次

而進盟曰奉戴皇恩竭少將事莫敢或忘皇家之邑莫敢或侵侵

者共相誚責之戒屬子孫莫敢或渝關白所令事無大小莫敢或

不奉所違斯盟者六十六州神祇大罰極之覆其國家莫能享其

祿明日宴諸牧伯天皇賜歌關白以下皆廣之車駕駐五日還宮

秀吉以京師戶稅奉供御以其戶租爲上皇湯沐邑以近江高島

郡充廷臣采田凡金帛珍貴之獻前後無算九月諭毛利氏割其

出雲伯耆予族吉川廣家廣家元春子元長弟也十月大張茗燕

於北野日本外史二十德川氏三十六年二月辭兩職三月大

者四月後陽成天皇幸聚樂大納言與內大臣信雄等爲先驅關
白秀吉爲後乘秀吉要大納言以下盟辭特詔大納言與信雄秀
長秀次及浮田秀家班清華之上禮畢東還於是秀吉以北條氏
未至乃遣使責其不廷北條氏遷延意欲得婚及質如德川氏而
秀吉不加於意閏五月氏政使來因我請和六月大府有疾大納
言與夫人赴京師問之九月氏政夫人而還十一月酒井忠次請致
仕大納言優旨答之固請乃蒞其第盡驩竟日使其子家次襲封
是歲陸奧伊達氏來通好○日本外史十二月毛利氏十六年輝元
任參議陸奧景廣家秀包皆爲四位侍從九月秀吉薨浮田秀家女
妻廣家初廣家父兄皆死於西海之役秀吉曰吾許之以茲前會
其死不果當以西海一州恤其孤石田三成大谷吉隆說秀吉曰
輝元所領已跨中國而降景秀包各領一國備前浮田氏素與之
惡以爲可使相禁也而亦婚於吉川吉川今又受封矣天下無事
則已苟有事則關以西皆歸毛利氏爲今之計莫若就輝元封內
割予一二州是名賜封而實分其勢也秀吉然之
乃令輝元以出雲伯耆數郡加賜廣家治富田

明史日本傳十六年犯浙江然時疆吏懲嘉靖之禍海防頗飭賊
來輒失利其犯廣東者爲蜚賊梁本豪勾引勢尤猖獗總督陳瑞
集眾軍擊之斬首千六百餘級沈其舟百餘艘本豪亦授首帝爲
告謝郊廟宣捷受賀云

己丑 天正十七年

日本外史十一武田氏上杉氏十七年景勝又

侍從藤田泉澤安田三臣皆敘四位兼續自父實綱常參謀議爲
仇人刺死無子謙信命近士樋口與六爲嗣是爲兼續多文武材
能事景勝尤見寵任○日本外史二十德川氏三十七年正月眞
田昌幸以子信幸質於我是月大納言獵於中泉息清見寺有一
兒捧茗而出問其名僧曰甲斐人王屋惣藏之孤也惣藏事武田
氏死於天目山之難大納言喜得其盾也載歸謂世子曰吾與汝
以一口護身刀拉兒附之後賜名忠直常侍世子時少將秀康在
京師益長有英氣嘗習騎秀吉牙騎失禮秀康馳斬之秀吉不問
是時關東諸豪往往因我降結城晴朝亦降請得豐臣氏族爲子
秀吉乃遣秀康三月大納言如京師四月而還先是北條氏政請
得我侵地沼田而後入朝秀吉弗懌曰吾欲伐北條氏以其爲德
川姻戚姑假之耳七月秀吉發三使來請大納言乃使人諭眞田
昌幸致沼田而就內地償之因說氏政以順逆勸其入朝亦勸伊
達政宗皆不聽沼田守將亦使其旁地十二月大納言如大阪秀
吉入朝請東伐詔許之以大納言爲前軍秀吉謂諸將曰家康爲
前軍秀吉爲後繼雖橫行萬國可也況於北條氏乎令大納言還
國治和漢年契夏六月築淀城伊達政宗逐諱名盛重日本外史
兵上十七年五月復分金銀各三十六萬五千兩於文武百官是
時秀吉威令幾遍天下東北豪傑佐竹里見結城那須岩城華名
松前諸族爭修使幣秀吉禁其私闕使之朝覲而獨北條氏政據
關東入州伊達政宗據陸奥出羽不肯降天子幸聚樂之次月秀

吉遣富田知信津田信季赴相模諭氏政曰吾子席五世之勢擅
有入州而不早修朝貢不義今天子新立天下莫不嚮歸吾子宜
速入覲氏政與子氏直議不敢堅對入月氏政使使來請曰眞田
昌幸取我沼田請令昌幸返之然後入朝諸將皆忿曰氏政亡狀
請發兵討之秀吉曰未也是年七月復使知信信季就昌幸諭之
昌幸奉命致沼田於北條氏於是二使遂往小田原趣其入朝曰
不朝則有罰氏政與其親族將領議曰我與彼相距遼遠彼何輒
來且彼特能服畿內西國耳古稱關八州可敵天下且箱根天險
也彼果來乎我以八州勁兵要諸箱根彼何能爲在昔平氏發大
軍來攻源氏至富士川聞驚鳴起遂恆悸而潰關白亦如此爾乃
不禮使者使者微聞其言歸報秀吉怒曰氏政以吾比平維
盛耶吾將示之我伎倆也德川公數勸氏政入朝不肯是歲伊達
政宗滅葦名氏并會津四郡滅二階堂氏并仙道七郡佐竹岩城
諸族討之皆敗秀吉使責讓政宗命其入朝政宗亦不肯十月
眞田昌幸來告曰沼田有那胡桃城爲臣墳墓之地北條氏將守
沼田者欲遂取之臣曰殿下命致沼田未聞致那胡桃也彼不聽
遂攻取之敢告秀吉大怒遂奏請討氏政氏政使者石卷康昌在
京師懼陳謝之秀吉不聽押送康昌相模遺書氏政絕之曰秀吉
起微賤爲先右府所拔擢攻城野戰立功弓馬之間旣而遇變故
亂逆叛者伐服者撫七道豪傑無不從我所麾汝氏政任佐天子以定
敢不修朝貢狡詐貪婪輕蔑天子之命夫天地之際一有違詔敕
者而漏於誅討秀吉恥之修乃城池勵乃甲兵明年吾將操王節
率諸侯以正汝氏政之罪書至相模氏政不以爲意曰彼欲以虛

聲脅我彼誠來大舉則少食小舉則少力是易與耳秀吉遂令駿河越後以西四十五國發兵以明年三月會京師其達京師者便道直赴關東命長束正家運粟二十萬石至駿河又出金一萬枚羅於海道諸國時海路久絕民皆憚風濤之險曰海龍王爲祟秀吉笑曰吾受王命討不庭何物龍王敢得沮我也作激授之投海而進使水軍三將與長曾我部元親護糧船以東十二月德川公來請約束氏直因公謝罪請入朝秀吉不許於是會德川公以下將帥開關東地圖指畫部署眞田昌幸素與德川公惡時在下坐不得窺圖秀吉呼前之曰吾以家康爲海道先鋒以汝爲山道先鋒昌幸感喜退而謂人曰得殿下一言多於得百萬封矣

庚十八天正十八年日本外史十四織田氏下信雄陞從二位內大寅八

吉伐北條氏信雄以兵一萬五千助之攻菲山及事平秀吉封德川氏於關東入州欲以其舊國五州致於信雄信雄辭曰尾張伊勢吾故地也得仍居焉足矣敢膺大封秀吉怒其不屑受己封也乃奪二州予之己甥秀次逐信雄於出羽秋田明年徙之伊豫山口重政等皆

和漢年契狩野永德死春三月秀吉出師取相模北條氏亡日本外史十後北條氏於是氏政乃修城壘蓄糧仗入州將士皆畱其部下守城砦而自聚於小田原憲秀陰送款於秀吉初憲秀于新六守戶倉城與武田勝賴戰數不利氏直聞之罵曰新六怯夫多亡我士新六聞之慙恚叛降勝賴及勝賴亡新六來歸當誅憲秀爲乞哀乃宥死一等屏居其邑至是新六又勸憲秀因敵將堀秀政通款焉秀吉啗之以伊豆相模令爲內應

氏政氏直不之知也與憲秀議遣親族諸將分守要害美濃守氏
規守荊山陸奧守氏輝守竹浦左衛門大夫氏勝守山中氏勝網
成孫也間宮康俊朝倉重高爲副與舊守松田秀植俱守焉氏政
賜刀於康俊重高曰勉之康俊曰臣以死從事重高退謂同僚曰
北條氏之滅在於是役也山中之城板築不備而命守焉是棄我
輩於敵也吾視十餘年來政多失道者事可知矣諸君謹之十八
年三月秀吉發兵二十五萬自將來攻德川氏爲其先鋒二十九
日圍山中城城兵力戰斬敵將一柳直末而敵眾已潰城齊登康
俊秀植死之氏勝重高遁走德川氏軍至酒匂四月竹浦及湯本
守兵皆潰西軍來圍小田原氏直聞諸城失守議曰秀吉兵雖眾
而以威力相持其心必不一我兵雖寡而五世君臣也我欲要秀
吉於險一戰決雌雄憲秀沮之曰彼遠來糧餉不繼我堅壁清野
不戰而屈之是先公已試之策也何必行危僥倖氏直乃止憲秀
潛使人告秀吉曰城西北有石垣山以爲牙營則城內情狀無所
遁隱秀吉從之一城大驚已而上杉景勝與前田利家以北陸兵
來攻大野松枝城主大導寺政繁出拒於阪本不戰而走遂降爲
其先導下廐橋松山沼田袞輪河越諸城進圍鉢形城城主氏郡
在小田原畱守將士堅拒不下西軍別將二人以秀吉命徇下野
上總下總下之氏勝逃在其邑甘繩氏政氏直召之氏勝答曰臣
何顏見君乎當死於此或譜其有貳心氏政怒會德川氏招降氏
勝氏勝遂降之五月氏政弟氏房出襲蒲生氏營不利西軍別將
陷氏房邑岩築畱守妹尾兼延死之秀吉更遣別將三人攻館林
城城帶大澤敵造浮梁濟之城兵死守不降秀吉起隄防城主成
乃降六月西軍合兵攻忍城謂城可灌也募土人起隄防城主成

田長康在小田原畱守知其不可灌也陰出其人應募以收錢既
就引水城不漸一板而敵阻水不得近數日隄潰西軍死者數百
人景勝利家下鉢形圍入王寺城城屬氏輝其畱守橫地監物遁
之符野一菴中山家範金子家重近藤助實相謂曰吾約奧州以
死守其可食言乎與數百人殊死戰利家在高處望見壯之問降
將知其姓名使往降之至則自殺矣及事平德川氏收用家範二
千昭守信吉信吉稱備前守爲水戶傳者也當是時里見佐竹氏
及陸奧出羽豪傑皆降秀吉秀吉舉天下兵圍小田原氏政氏直
勵眾堅守出羽豪傑皆降秀吉秀吉舉天下兵圍小田原氏政氏直
息任意又分麾下諸將士各守其地巡警秀吉合圍百餘日終不
得一首級氏規守山秀吉以七將騎卒五萬攻之氏規謂其眾
曰此地我高祖所由起而吾受命守之失一障壁吾之恥也眾
皆奮激其將朝比奈泰能等數出力戰西軍四面攻擊死傷無算
乃築長圍其將朝比奈德川氏將小笠原某以手兵傳壁皆死秀吉更
將疾攻陷其外城氏規親督戰即日復之八州城舉皆陷獨小田
原山不下氏房在小田原與敵將浮田秀家對壘秀家以秀吉
旨遺酒於氏房曰聊以慰城守之勞氏房又遺物謝之曰聊以慰
攻戰之勞秀家遂使言於氏房曰豐臣氏與北條氏非有宿怨偶
爾構兵半歲不決徒使天下人膏鋒鏑今議和弭兵則封以伊
豆相模氏房以告氏政氏政時堀秀政既死子秀治以秀吉密書
投憲秀憲秀欲導敵兵入城少子英春爲氏直所寵常侍左右憲
秀召而告之英春號泣固諫憲秀弗聽而止英春不使復人遂與
秀治約約既定英春夜以鎧櫜自盛入見氏直曰君苟有一人之
死則臣請告大事誓而後告氏直大愕召憲秀詰而囚之英春請

有其死弗聽秀治踐約至松田氏壘下待報三日望見其旗幟皆
裂乃去秀吉百方誘降使黑田孝高羽柴勝雅因氏房說曰方今
北條氏之勢如魚在釜中而烈火烹之盍及今納降取二國以存
先祀氏房妻于四於岩槻亦以書乞哀氏房心折勸氏政降氏政
曰吾承父祖業主於八州爭武而失之吾不必憾也納降計存死
且不能已而成田長康等亦送款於西軍親至宿將互相疑阻交
勸和議七月秀吉使德川公諭氏規曰氏規習於戰不習於和矣
成子猶何守宜來贊其議答曰氏規不得已撤守備約封士事自
德川公請氏直書諭之氏規不曰氏規習於戰不習於和矣今應命
西門入則氏直已自南門出蓋秀吉以陰謀間疏其父子故氏直
惶惑不竣約而出也於是氏直就德川氏陣請曰願宥氏政以下
則亟致城矣德川氏以有姻戚之嫌教之因羽柴勝雅以告秀吉
秀吉曰吾當依其所請獨其封土以二總代伊豆相模氏規聞之
患曰吾悔爲老賊所誑將歸菲山復修守備氏直弗許乃誅憲秀
致城於德川氏出城內士民限以二日氏政與弟氏輝出在醫師
安棲宅秀吉憚氏政剛武又變約遣使五輩就其舍令白殺使者
至難言之氏政輝察其色請聞沐浴作絕命辭白裁氏規將數
之監吏奪刀不得死秀吉誘氏直令率氏規命辭白裁氏規將數
十人入高野山給以萬石明年氏直病卒年二十一英春去仕前
田氏自長氏國於相模至是五世九十餘年乃滅後秀吉思氏規
忠勇以爲狹山城主食萬石其後氏盛氏信氏宗氏治氏朝父子
相襲歷事豐臣氏德川氏氏勝降德川氏爲岩田城主食萬石關
原之役守岡崎慶長中卒養保科正直子氏重大阪之役氏重在
先鋒後數徙封終爲懸川城主病卒無嗣國除○外史氏曰余聞

早雲膏召儒士說黃石公三略其首有言曰主將之法務攬英雄
之心早雲聽之曰止矣吾既得之矣不復使說嗚呼有以夫其以
流寓漂泊之人據有八州以開五世之基也夫足利氏縻其綱維
權臣內閣海內戰爭所以然者無它故焉天下英雄各以其心爲
心而主將不能收攬之焉耳早雲蓋早有見於此一得天下之事
可知而已故仗一劍之任周流天下以求有用武之地一得其地
龍變莫之或拒夫以兩上杉氏百年故家財賦之富兵馬之雄而
早雲以赤手圖之奚異椎鑿山哉乃能戰勝攻取制其死命者果
何所恃而然歟亦以其結納英雄得其驩心兵寡而志一地狹而
力合如同舟濟江不期而救以此臨敵雖橫行天下無難而況於
兩上杉氏乎氏網氏康所以繼緒業致強大者亦由此道也至於
氏政氏直已代兩上杉以擅八州之富強意滿志侈不復用心於
此上下漸遠君民不親欲恃區區之法令以制馭其下而不知其
下之心既已去之矣將何恃以抗天下勁敵耶然豐臣太閤以不
世出之略加之以我東照公左提右挈率天下之猛將精兵往問
其罪其勢力足以震撼天地而合圍半歲纔能舉之者非以其父
祖之收攬人心有固結不可解也哉日本外史十二毛利氏十
八年秀吉東伐北條氏使輝元守京師隆景守清洲廣家守岡崎
北條氏不降召隆景謀之對曰先人圍富田休攻戰示持久多縱
反間使其君臣相疑索其妻孥而招降之秀吉曰吾師之也遂以
其計平夏六月伊達政宗入降秋八月秀吉以家康爲關八州秀
北條氏

吉裂地封功臣冬十月奧賊作亂討平之

日本外史十五豐臣氏
十八年正月德川公

送其嗣子爲質秀吉賜之姓羽柴氏名秀忠遣歸之曰卿以其與
氏直有姻乎吾何疑卿哉德川公乃空海道諸城除道供帳以待
二月秀吉召毛利輝元守京師弟秀長守大坂令德川北畠前田
上杉諸將以其兵先發三月朔自戎服入朝受節刀於陸井辭起
出關上馬率騎卒十七萬而東部伍整肅鎧仗鮮明使士民縱觀
之氏政盡召入州城主集於小田原遣親信將帥拒宿根諸城以
兵數萬守其後二十七日秀吉至沼津明日自上山候觀敵城寨
卽夜下令秀次以五萬攻山中信雄以三萬攻蘆山而德川公
以二萬五千直踰箱根明日諸將將食並發秀次以中目一氏爲
先鋒令徒陣近城城上銃丸雨注一柳直未死之一氏屬眾攻破
其郭斬敵將間宮好高進蒲內城其騎士渡部了恭塚而秀次
乃麾軍齊登走城將北條氏勝信雄亦破蘆山郭德川公陷三城
至酒匂成軍皆潰四月秀吉率諸軍抵小田原建易於石垣山夜
令萬卒築城焉朝紙於壁望之如堊城兵驚以爲神秀吉攜德川
公登城樓下視曰關東八州在我目中不日取以爲卿耳德川公
拜曰幸甚秀吉附其耳語曰卿亦居小田原乎曰然秀吉曰不可
我嘗觀地圖自此迤東可二十里有地曰江戶襟帶海河地闊土
肥卿宜居此德川公曰謹奉教於是令諸軍圍城數重水軍將士
又破沿海諸城而來會焉上杉景勝前田利家將北陸兵三萬以
眞田昌幸爲先鋒入上野大道寺政繁以松枝將導入武藏下七
城攻鉢形秀吉遣淺野彈正少弼木村常陸介助之二將別徇武
藏攻岩架淺野氏嗣子幸長稱左京大夫甫十五先登遂拔之二
將遂徇上野至二總安房一月下六十餘城而小田原固守不下
有流言曰德川織田通款城中眾情疑懼秀吉卽從近臣數人與

信雄俱飲於德川氏營明日與德川公俱飲於織田氏營眾疑卽
釋遂令諸軍休戰築長圍更番游息徵海道妓樂置酒高會秀吉
與德川公以下造歌詞被之譙呼連晝夜以示掠久之意城兵大
困德川公初度大畧久屯穀價必騰私命其吏多蓄糧餉已而長
束正家掌漕轉米粟狼戾乃服秀吉善用人也當是時豐臣氏軍
環城而陣者幾三十萬山陵林麓莫非兵者關以東望風降附相
馬秋田南部津輕諸族或執謁軍門或使使納幣項背相望伊達
政宗使人覲形勢還報則大懼乃肯修使幣就德川氏乞降德川
公戒使者曰不得亟來謁六月政宗與百餘騎入下野路塞不
得通還由越後信濃開行至稍恨請謁秀吉秀吉問焉曰政宗不
狀貌如何曰齒可二十歲眇而被髮奇偉其秀吉不許見使人
詰責之曰吾受王命經略天下雖遐方絕域之人莫不來歸汝倨
強東北擁兵數萬未嘗發一介之使葦名義廣歸心王室而汝擅
攻之是何故政宗答曰義廣納臣之叛將結佐竹岩城以圖滅臣
臣欲討二本松氏以復父仇又爲義廣所距故臣日夜攻擊終得
克之臣在敵中不知四方事及殿下東伐然後知天下有所歸也
是以來謁秀吉又使言之曰汝之所陳果無僞也則盡獻所侵會
津仙道之地耳不則亟歸汝國徐修守備吾討滅北條氏然後見
汝於戎馬之間也政宗曰臣生死唯殿下之令況邑土乎致其侵
地乃入見秀吉使服而坐慰勞之問曰卿在陸奥幾戰曰三十餘
戰秀吉曰是村巷小鬪耳意未知部勒大兵之法也因起引政宗
而出下臨廣望秀吉在前指示曰彼畿內軍也被坂以西軍也彼
海道軍也政宗唯莫敢仰視旣罷遣歸諸將交勸畱之不遣曰
遣之是猶縱虎於野已秀吉晒曰吾不用寸兵而取五十四郡非